

Universitätsbibliothek Paderborn

**Io. Francisci Leonis Eporediensis I. V. D. Episcopi
Thelesini Thesaurus Fori Ecclesiastici**

Leoni, Giovanni Francesco

Coloniae Agrippinae, 1682

33 Instruentes citatos in causa haeresis de celanda veritate, sunt
vehementer suspecti.

urn:nbn:de:hbz:466:1-10316

ut in pluribus, quod talia agens, vel dicens est hæreticus, ut si quis negat explicitè, palam, & publicè ea, quæ debet ex officio fidei, plusquam alijs, quamvis possit etiam talis negatio ex ignorantia provenire, vel animi levitate, non autem ex hærica pravitate. Ioann. Gers. in tractat. de potest. & considerat. 12. quem se quitur Pegna dict. commen. 80. vers. quare Ioannes quæst. 55. numer. 4. par. 2. & facit tex. in cap. accusatus, in princip. de heret. in 6. & plures sunt casus quibus quis vehementer de hæresi suspectus est habendus.

10 Primus est, † quando quis vocatus ad respondendum de fide, subterfugit contumaciter se absentando, vel occultando, infra terminum sibi assignatum non comparando, cap. cum contumacia, & ibi gloss. in ver. vehementem, de heret. in 6. & est excommunicatus; unde si per annum in illa excommunicatione persistit, vehemens suspicio transiit in violentam, qua ut hæreticus, quis est condemnandus, ut per dict. gloss & Direct. inquisit. qu. 56. num. 5. in fin. p. 2.

11 Secundus, † cum quis directè, vel indirectè scienter impedit Inquisitoris officium. Direct. inquisit. ead. quæst. 56. nu. 2. per tex. in c. ut Inquisitionis negotium, § fin. de heret. in 6.

12 Tertius, † est eorum, qui scienter auxiliū, consilium, vel favorem praestant, im pedientibus Inquisitoris officium; quia isti, tanquam iuriis, & principalis judicis mandatari in causa fidei contumaces, sicut, & impedientes, excommunicationis sententiam incurront. dict. e. ut Inquisitionis negotium, § fin.

13 Quartus, † casus est eorum, qui instru-

unt citatos in causa hæresis de celanda veritate, vel dicenda falsitate, qui ab Inquisitoribus possunt castigari, cap. accusatus, § fin. de heret. in 6. & Director inquisitor. ead. qu. 56. nu. 4.

14 Quintus, † si quis eos, quos scit hæreticos scienter receptat, dedit, visitat, sive associat, ac dona, seu munera eis dat, seu mittit, seu alias favorem eis impendit, d. o. accusatus, § illud quoque.

15 Sextus, † si quis in sacramento confessionis ad venerein, vel ad quæque flagitia, seu peccata provocat confidentem, qui inquisitorum judicio subjicitur. Pegna eod. comment. 81. vers. illa quoque. Et mihi tunc Vieario generali Episcopatus Vercellen. super eodem catu priuquam scripta per præfatum Pegnam vidissim, sacram congregationem Inquisitionis consulenti, Cardinalis S. Severinæ supremus Inquisitor suis familiaribus litteris datum Romæ, 28. Junij 1597. rescripsit, quod à multo tempore circa similes cause fuerant in sancto officio Inquisitionis discussæ, & ita observari in sancta universali Inquisitione Urbis, omnibusque aliis Inquisitionibus Italiæ & Hispaniæ, ac ubique: quia similia tentantes male de sacramento pœnitentiae sentire videntur, & hoc fuisse institutum ad salutem peccatorum, vigore brevium fel rec. Pauli Papæ IIII, Pijetiam IIII, & Sixti Quinti.

16 Septimus, † eadem ratione est suspectus, qui prima uxore vivente, eo sciente, aliam in uxorem ducit. Albert in tract. de agnosc. assert. quæst. 23. Simanc. de cathol. institut. tit. 40. & Pegna. eod. comment. 81. vers. de eo qui.

17 Octavus, † casus est eorum, qui quævis ex inquisitoribus, advocatis, procura-

O O O § toribus,